

MitID aamma NemLog-in pillugu inatsisip allanngortinneqarnera (Suliffiup iluani it-systeminik atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerani uppersarneqarneranilu MitID-imik aamma NemLog-in-imik aaqqiinermik atuisinnaatitaaneq aamma immikkoortorta qarfiit inatsisitigut akisussaaffigisat, EU-mi/ EØS-imi nunami allami nalunaarsorneqarsimasut MitID-mik aaqqiinermik atalersinnaanerannut periarfissaq) pillugu inatsisip Kalaallit Nunaannut atortuulersinneqarnera pillugu peqqussut

UAGUT FREDERIK QULINGAT, Guutip Saammaassineratigut uagut Danmarkip kunngua, nalunaarpugut:

MitID aamma NemLog-in pillugu inatsisip allanngortinneqarnera (Suliffiup iluani it-systeminik atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerani uppersarneqarneranilu MitID-imik aamma NemLog-in-imik aaqqiissuteqarnermik atuisinnaatitaaneq aamma immikkoortorta qarfiit inatsisitigut akisussaaffigineqartut, EU-mi/ EØS-imi nunami allami nalunaarsorneqarsimasut MitID-mik aaqqiinermik atalersinnaanerannut periarfissaq) pillugu inatsimmi nr. 1559-imi, 12. december 2023-imeersumi § 3² malillugu aalajangerneqarpoq:

§ 1

MitID aamma NemLog-in pillugit inatsisimmi, peqqussutikkut nr. 2090-ikkut, 23. november 2021-imeersukkut Kalaallit Nunaannut atortuulersinneqarsimasumi allannguinerit tulluuttut suliarineqassapput:

¹ Aaqqiinermik allaqqasoq, MitID aamma NemLog-in pillugit inatsisip Kalaallit Nunaannut atuutilernissaanut peqqussummi nr. 2090-imi, 23. november 2021-imeersumi aaqqissuussinertut nutserneqarpoq. Tamanna eqqunngilaq, taamaattumik oqaaseq aaqqiineq eqqortuummat inatsisip allanngortinneqarnerani atorneqarpoq.

² Aalajangersagaq tulluuttunik oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisianni kunngip peqqussutaatigut tamakkiisumik ilaannakoortumilluunniit Savalimmiunut Kalaallit Nunaannullu, taama tulleriillutik, savalimmiuni Kalaallit Nunaannilu pissutsit malitsigisaannik allnnguinerit ilanngullugit, atuutilersinneqarsinnaalluni. Inatsimmi aalajangersakkat piffissani assigiinngitsuni atuutilersinneqarsinnaapput.«

1. § 2, nr. 6-imi, »imminut sullississutitut aaqqissuussatigut imminut sullissinnaalersitsisoq«-p kingorna ilanngunneqassaaq: », aamma inuit atuisut aamma inuussutissarsiutillit atuisut sullissinernut atassusiisartumik atassutillit taassuma it-systemiinik atuisinnaalersitsisut«.

2. § 2, nr. 9, ima oqaasertalerneqassaaq:

»9) Immikkoortortaarfik inatsisitigut akisussaaffigineqartoq:

- a) Det Centrale Virksomhedsregister pillugu inatsit malillugu Immikkoortortaarfik inatsisitigut akisussaaffigineqartoq, pisortani oqartussaasuunngitsoq imaluunniit inatsit tunngaviusoq pillugu inatsisiliornermik suliaasaqarfiit pillugit aamma pisortat innuttaasullu akornanni pissutsinut tunngassuteqartumik sullissiviunngitsoq.
- b) Immikkoortortaarfik inatsisitigut akisussaaffigineqartoq, nunami EU-miittumi /EØS-miittumi nalunaarsuiffimmi Det Centrale Virksomhedsregister-ip assingani nalunaarsorneqarsimasoq.«

3. § 2, nr. 14-imi, »digitalimik imminut kiffartuunnermut aaqqissuussani« kingorna ilanngunneqassaaq: »aamma suliffiup iluani it-systemini«.

4. § 2, nr. 15-imi, » digitalimik imminut kiffartuussissummut ataatsimut imaluunniit arlalinnut« kingorna ilanngunneqassaaq: »imaluunniit suliffiup iluani it-systemimut ataatsimut arlalinnuunniit«.

5. § 2-mi nutaatut nr. 18 ilanngunneqassaaq:

»18) Suliffiup iluani it-systemi: Sullissinernik atassusiisartup it-systemia, atuisup aalajangersimasup taamaammallu qarasaasiat systemiinik atuisinnaasup nakkutigineqarnerata uppersarsarneqarneratalu kingorna inummit imaluunniit inuussutissarsiortumit atuisumit, sullissinernut atassusiisartumik atassutilimmit atorneqarsinnaasoq.«

6. § 6-imi imm. 3-tut ilanngunneqassaaq:

»Imm. 3. Suliffiup iluani it-systeminut isersinnaalersitsisumik, pisortani oqartussaasut aamma inatsit tunngaviusoq pillugu inatsisiliornermik suliaasaqarfiit pillugit aamma pisortat innuttaasullu akornanni pissutsinut tunngassuteqartumik sullissiviit, MitID pillugu aaqqiineq atorsinnaavaat. Pisumi tassani MitID pillugu aaqqiineq Danmarkimi Digitaliseringsstyrelse-mit pissarsiarineqarsinnaavoq.«

7. § 8, imm. 2, nr. 1-imi, »digitalimik imminut kiffartuunnermik aaqqissuussaanut« kingorna ilanngunneqassaaq: », aamma suliffiup iluani it-systeminut atuisinnaanermut«.

8. § 8, imm. 2, nr. 3, litra a-mi, »digitalimik imminut kiffartuunnermik«: »aamma suliffiup iluani it-systeminik«.

9. § 8-mi imm. 4-tut ilanngunneqassaaq:

»Imm. 4. Imm. 2 aamma 3 malillugit, immikkoortortaqaarfiit inatsisitigut akisussaaffigisat, NemLog-in-imi sullissivimmut ataatsimut sullissivinnulluunniit arlalinnut ilanngunneqartut, § 2, nr. 9, litra a malillugu cvr-normulerlugit nalunaarsorneqassapput.«

10. § 11-imi imm. 3-p kingorna immikkoortutut nutaatut ilanngunneqassaaq:

»Imm. 4. Pisortani oqartussaasut aamma inatsit tunngaviusoq pillugu inatsisiliornermik suliaasaarfiit pillugit aamma pisortat innuttaasullu akornanni pissutsinut tunngassuteqartumik sullissiviit, sullissinermik atassusiisartutut inissisimanerminni, § 8, imm. 2, nr. 1 malillugu suliffiup iluani it-systeminut atuisinnaanermut login aamma atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnera uppersarsarneqarneralu pillugit sullissinermut suliaasaarfiit atorsinnaavaat.«

Tamatuma kingorna imm. 4 imm. 5-inngussaaq.

11. § 11, imm. 4-mi, imm. 5-inngortumi, »Imm. 2 aamma 3« ima allanngortinneqassapput: »Imm. 2-miit 4 ilanngullugu«.

12. § 12-imi » Inatsisilerinermik suliaqaarfiit kiffartuussiveqaarfiit» kingorna ilanngunneqassaaq: »§ 2, nr. 9, litra a-mi ilaatinneqartut,«.

§ 2

Peqqussut ulloq [...] atuutilissaaq

Tunniunneqarpoq [...] ulloq [...]

Kunngiussutsitsinnik Atsiorpugut Naqissusiillutalu

FREDERIK R.

/[ministerip atsiornera]